

敲蹻道人全集

亨

唐山玉清观道学文化丛书


董沛文主编

席春生执行主编



敲蹻道人全集

亨



唐山玉清观道学文化丛书

董沛文主编

席春生执行主编

目 录

唐山玉清观道学文化丛书序一 任法融 / 1

唐山玉清观道学文化丛书序二 康志锋 / 3

唐山玉清观道学文化丛书序三 董沛文 / 5

《敲蹯道人全集》序言 席春生 / 1

刘名瑞祖师 赵避尘 / 1

刘名瑞真人道行记 席春生 / 2

刘名瑞与桃源古观 / 3

《敲蹯道人全集》导读 席春生 / 7

元册

《敲蹯洞章》 / 1

《道源精微歌》(上) / 298

亨册

《道源精微歌》(下) / 447



《濫熯易考》/ 639

利册

《元汇医镜》(一) / 941

《元汇医镜》(二) / 1153

贞册

《元汇医镜》(三) / 1381

《元汇医镜》(四) / 1574

后记 席春生 / 1902

冊 亨

道源精微歌

仰觀天文	俯察地情	太極樞發	物我相同
知者易悟	昧者難明	天人合發	始出道情
玄機萌動	太極含精	昧靜坎動	攝迴本宮
太極界地	不偏之中	些兒莫錯	五行攢成
三九陽長	春水濛融	潛龍在田	二五合凝
離沉深淵	坎復翻風	周流百脉	靜翕薰蒸
宵冥微照	天地混溶	三才之道	後天歸宗

先天易返	允執厥中	不知照料	落守頑空
水清清濁	全憑德宏	若着濁念	執著疚成
規規自然	卦爻徹通	吾身卽天	無二法行
雖言無極	後天現形	星辰日月	雲雨雷風
河圖洛書	八卦列成	二十四氣	進士分清
四立二至	春秋夏冬	共合一處	吾身包籠
賢者篤悟	準備慧生	莫負聖真	著書濟衆
爾不深求	錯過今生	任汝富貴	子男公卿



限臨倏忽	素手空行	吾勸君子	迴頭窺種
若失今劫	化爲泥城	迷言來世	轉劫富榮
不過如此	奔利逐名	莫如身在	速惺修程
發憤立志	急覓真誠	儒書篤讀	道書研窮
二門一貫	丹經會通	擇選靜地	棄網脫籠
塵孽消盡	丈夫豪雄	道成之後	儒稱聖宗
釋教稱佛	道稱仙翁	逍遙世外	萬劫本容
全憑一念	作鬼成聖	爾不實信	細悟中庸

研窮易理

方曉豁明

余不言謬

詎哄學功

無非守真

志滿精盈

神氣內貫

百煉自靈

吾由儒道

遁入玄中

著經畫圖

警賢歸正

余著三書

無不載明

道源精微

修道準繩

濫燭易攷

河圖辨明

敲蹻洞章

三教說清

得遇此書

便知易成

叮嚀同志

急早培功

默默懷奮

漸漸挽繩

世事看淡

腔內掃空

道中君子

方知吾情



問答說

栗大志七問

問之一曰。修僊修佛。可是一法修煉。可是二法修煉。答曰。知真者。法門不二。三教歸一。無此分別。昔日黃帝問廣成子。答曰。天無二道。聖人無二心。總不出積精累氣。固守元陽。窮理盡性。以至於命。中庸曰。故君子居易以俟命。小人行險以徼幸。子曰。射有似乎君子。失諸正鵠。反求諸其身。

問之二曰。弟子出家以來。凡三教之高。人遇之不少。未聞一人言性命之至理。何也。答曰。子之不明。少所見。視總屬垢重。慊深。爾又不肯求教高人。前所遇者。流俗之文語。古云。是聖方知聖。是賢方知賢。蓋大道秘密之天機。德廣配之。中庸謂之。道之不行也。我知之矣。知者過之。愚者不及也。道之不明也。我知之矣。賢者過之。不肖者不及也。

問之三曰。弟子在儒之時。未聞先生有道之說。無非教



人品正忠孝之論。而談演者多。實學者稀焉。未言生死
根本一事。何也。答曰。子之不明儒道之理。自孔孟歷代
成聖得道之先賢。顯諸書而心法在焉。使有志者窮理
盡性。心正而后身修。康誥曰。克明德。太甲曰。顧諟天之
明命。帝典曰。克明峻德。皆自明也。中庸曰。故君子以人
治人。改而止。忠恕違道不遠。施諸己而不願。亦勿施於
人。

問之四曰。弟子困而學之。自知其一。不明其二。敢問儒

家修煉。何以下手。可道矣。答曰。明德知止爲日用。以格物至善而盡命。以安靜定慮以保精。康誥曰。惟命不于常。道善則得之。不善則失之。若是儒道之高人。無不究論。問曰。何以達徹。答曰。此道之深妙。盡在中庸三十三章。而大學孟子。可爲一貫。易經此爲修道之祖書。今之爲儒。以易揲蓍求卦。凡眞修者少焉。中庸曰。素隱行怪。後世有述焉。吾弗爲之矣。君子遵道而行。

問之五。曰。弟子未聞釋教禪理之宗指。再懇開示。答曰。



釋教者。乃西梵之佛教。自西天二十八祖。未入中華。由梁武帝建都於金陵。八年十一月朔日。達磨西來渡江。遇往少林。且達磨乃天竺南印度國人也。得正法欲東遊開度。闡揚大乘之氣相。凡三周始入中華。嫡傳六代。故達磨爲中華釋教之初祖。後人無知。爭論教鄉。亦有不眞修。失却正理。訛傳祖師折蘆渡江。而嚴冬之月。能有蘆葦乎。此乃喻性命之至道矣。使人參究。賢愚同悟。故華嚴經云。如來大仙道。微妙難可知。楞嚴經云。身心

合成。日益增長。此以上之憑據。在合宗語錄爲証矣。

問之六曰。弟子始入玄門。不知道教之模範。人品氣質如何。再叩精微。答曰。全真道教。最上一乘之修持。前賢聖祖傳教。與世度人。緊持齋戒。正己化人。刻修刻省。直超仙祖之志氣。亦非今時出家之人。混亂胡爲。少所見識。迷却修命之正理。出家者等。等不一。亦有因病者。亦有老邁者。或是貪圖廟產。或因食祿衣綿。或因家道不順。或因凶危困苦。借此門路。棲身遁避。日後得地。無法



不爲敗壞教門。故此難遇寶書。何況真訣乎。祖師云。民間之耗鼠。敗教之魔軍。若真修之士。以道德而觀心。看富貴如浮漚。遁名利如逝水。火斬牽纏。如脫患難。何有欲愛乎。

問之七。曰。弟子聞念經受戒。方丈開壇。可是真道否。答曰。念經者。止欲學賢。受戒者。治伏下根之人。恐其亂教。生非方丈者。作世俗僧道之領袖。闡揚世法。勸人捐資。僞善以爲護持常住之誘矣。故釋立二門。捏爭方丈。亦

將某道士之名字。續在紙上。爲接法傳法。至修觀之。其
不趣笑。而也老來嗚呼。何足爲論。已昧却天道一貫。而
不窮究大道。各被情藤欲蘿而縛也。亦至幻質倏忽而
妄。愚謂死尸成道。爾不悟俗言。無病何能死乎。蓋因病
者。俱化異類而鬼去也。

趙大悟七問

問之一曰。弟子聞中庸云。至誠之道。可以前知。國家將
興。必有禎祥。國家將亡。必有妖孽。見乎蓍龜。勅乎四體。



禍福將至。善必先知之。不善必先知之。故至誠如神之
謂。弟子愚蒙。再懇法嚴開註。答曰。自古上聖。不敢輕泄。
故此儒家缺少雙修之客。善哉善哉。吾今洩汝。至誠者。
是性命起首一着。將真意入在坤腹之中。名曰丹田。譬
如爲國。在此用靈神久栖。二六時中。常要覺照。用呼吸
吹發其中。縣縣旋樞之意。不可須臾離也。國家將興者。
是靜極。丹田氣動。若真修之上。起呼吸留戀。用武火採
攝歸源。而鼓動搗煉。名曰前知。得造化之長生。其不是